

0.0.1 uragasuttam

1. yo¹ uppatitaṃ vineti kodhaṃ,
visaṭṭhaṃ sappavisaṃca osadhehi;
so bhikkhu jahāti orapāraṃ,
urago jīṇṇamiva tacaṃ² purāṇaṃ.
2. yo rāgamudacchidā asesam,
bhisapupphaṃ'va saroruhaṃ vigayha;
so bhikkhu jahāti orapāraṃ,
urago jīṇṇamiva tacaṃ² purāṇaṃ.
3. yo taṇhaṃudacchidā asesam,
saritaṃ sīghasaraṃ visosayitvā;
so bhikkhu jahāti orapāraṃ,
urago jīṇṇamiva tacaṃ purāṇaṃ.
4. yo mānaṃudabbadhī asesam,
naḷasetuṃ'va sudubbalaṃ mahogho;
so bhikkhu jahāti orapāraṃ,
urago jīṇṇamiva tacaṃ purāṇaṃ.
5. yo nājjhagamā bhavesu sāraṃ,
vicīṇaṃ pupphaṃ³;
so bhikkhu jahāti orapāraṃ,
urago jīṇṇamiva tacaṃ purāṇaṃ.

¹yo ce - syā

²jīṇṇa mivatthacaṃ-machasaṃ

³pupphamiṭṭhā -sīmu², machasaṃ

6. yassantarato na santi kopā,
iti bhavābhavatam ca vītivatto;
so bhikkhu jahāti orapāram,
urago jīṇṇamiva tacam purāṇam.

7. yassa citakkā vidhūpitā,
ajjhattam suvikappitā asesā;
so bhikkhu jahāti orapāram,
urago jīṇṇamiva tacam purāṇam.

8. yo nāccasārī na paccasārī,
sabbam accagamā imam papañcam;
so bhikkhu jahāti orapāram,
urago jīṇṇamiva tacam purāṇam.

9. yo nāccasārī na paccasārī,
sabbam vitathamidanti ñatva⁴ loke;
so bhikkhu jahāti orapāram,
urago jīṇṇamiva tacam purāṇam.

10. yo nāccasārī na paccasārī,
sabbam vitathamidanti vītalobho;
so bhikkhu jahāti orapāram,
urago jīṇṇamiva tacam purāṇam.

11. yo nāccasārī na paccasārī,
sabbam vitathamīdanti vītarāgo;
so bhikkhu jahāti orapāram,
urago jīṇṇamiva tacam purāṇam.

⁴ñatvā - machasam, syā, pts

12. yo nāccasārī na paccasārī,
sabbam vitathamida'nti vītadoso;
so bhikkhu jahāti orapāram,
urago jīṇṇamiva tacam purāṇam.

13. yo nāccasārī na paccasārī,
sabbam vitathamidanti vītamoho;
so bhikkhu jahāti orapāram,
urago jīṇṇamiva tacam purāṇam.

14. yassānusayā na santi keci,
mūlā akusalā samūhatāse;
so bhikkhu jahāti orapāram,
urago jīṇṇamiva tacam purāṇam.

15. yassa darathajā na santi keci,
oram āgamanāya paccayāse;
so bhikkhu jahāti orapāram,
urago jīṇṇamiva tacam purāṇam.

16. yassa vanathajā na santi keci,
vinibandhāya⁵ bhavāya hetukappā;
so bhikkhu jahāti orapāram,
urago jīṇṇamiva tacam purāṇam.

17. yo nīvaraṇe pahāya pañca,
anīgho tiṇṇakatham katho visallo;
so bhikkhu jahāti orapāram,
urago jīṇṇamiva tacam purāṇam.

⁵vini baddhāya - sīmu